



Taulogologo

O LE SAGATA E LAVA ONOSA'I

NOVEMA 2019

O Sagata Elisapeta, le Tinā o Ioane le Papatiso, e le o maua ni fa'amatalaga tele i le Tusi Pa'ia. I lana fa'amatalaga o le tala o le Fa'aaliga, o lo'o fa'amatala ai e Sagato Luka le fa'ate'ia o le to'atolu na talia le fe'au a le Atua, ae itiiti lava pe na fa'apefea ona talia e Elisapeta le tala o le a ia fanau mai se tama i lona matua i ona tausaga sa i ai i lenā taimi. Pau le mea na tatou fa'alogo i ai "Ua mavae ia aso, ona tō lea o Elisapeta lana avā, ua nofo fa'alilo o ia i ona masina e lima. Ua fa'apea ona faia e le Ali'i iā te a'u i ona aso ua silasila mai ai o ia, e ave'ese ai lo'u luma i tagata." (Luka 1: 24 – 5).

O tatou malamalama'aga iā Elisapeta e gata lo tatou iloa o ia ma lona to'alua "Sa amiotonu i la'ua i luma o le Atua, o savavali i poloa'iga ma Tulafono uma a le Ali'i e lē mata'u-leagaina" (Luka 1: 6). Ua tatou fa'alogo e le'i fesiligia e ia, e le'i i ai fo'i ni fesili mai iā Sagato Iosefo, ua na ona tula'i mai lona moega ma faia e pei ona fa'aali atu i ai e le Atua. Ae mo Elisapeta, e leai se fa'aaliga, leai se miti, e le'i fa'aali mai se Agelu a le Atua, leai se talosaga po'o se loto faitalia mo le usita'i; mo ia ua na o se meaalofa.

O lo tatou Tinā Pa'ia, Sagato Iosefo, ma Sakaria sa tofua i latou ma le elemene o le fetaia'i ma fuafuaga a le Atua na fa'alia iā latou, tali i lana vala'au, ma o tali ta'itasi ua fa'aalia mai ai le uiga ma le natura o le tagata. O Sakaria, e ui sa usita'i lava ma amio lelei, tausi i poloa'iga uma a le Tulafono, ae sa va'aia e le gata i lona natura ma le lē malamalama i le Tulafono, e ui sa tausi ma le fa'amaoni, "E fa'apefea ona ou iloa le mea nei?" ua fa'ailoa mai ai le vaivai o le fa'atuatua, e ui i le maualuga o lona fa'atinoina o lona fa'atuatua.

O Sagato Iosefo, o lē sa tu'uina atu i ai le fa'atuatua ole va'aia ma le tausia o lo tatou Ali'i Pa'ia ma lona Tinā ona o lona atamai ma lona amiotonu, na fa'aalia nei uiga lelei i lona usita'i i le Atua. Leai ni fesili ua fa'amaumauina, leai se masalosalo o aumaia; ua na o le usita'i lē leoa.

Ua na o le Tama'ita'i lava ia, ua tumu i le kalasia ma fa'aolaina i le lumana'i ona o le gaoiga a lona Alo, ua mafai ona fesiligia e aunoa ma le masalosalo i le Atua. E le afaina le lē fa'atuatua ina ole moni o le mea na fa'aalia mai, o lana fesili na fa'ailoa ai le lelei atoatoa i le va i le mafua'aga fa'atagata ma lona agaga ua fa'aolaina. "Ae fa'apefea lenei mea?" sa ia fesili ai, ma i lenei fesili ua tatou va'ai ai ua fa'ailoa mai se fa'ata'ita'iga lelei i le va o le agaga o le tagata, mafaufau, ma le tino e pei ona gaosia e le Atua ma ana fuafuaga.

Ae mo Elisapeta, e leai se tali ua fa'amaumauina pe manao'mia. O lona olaga atoa o se tali i le Atua, usita'i ma le filemū i ana Tulafono, ma tu'uina atu o ia lava i le māasiasi i le leai o se fanau. E le o sana matafaioi le fa'ailoaina o le fa'aletonu o le Tulafono, o le vaega lea e patino i lona to'alua. E lē o sana vaega e fa'amaopo mai le māasiasi laua'itele sa tatau ona ave ia Iosefo, e ui i lona fa'anaunau ma le lē tautala. E lē mo ia e talia le pelu i lona loto ma tau'ave le tigā sa iloaina e Maria. I lona olaga sa talia e aunoa ma se tala, ua ia faia se mea na mana'o-

mia ai o ia, ma o lona fa'atuatua ua lautogia.

Ae ui i lea, o lo'o i ai lava se vaega e ao ona ia faia ae le'i mou atu mai le tala – o se igoa e avatu ma upu e tautala ai o le a olaola ai fa'atasi ma le Ekalesia.

Mo le lima masina, e pei ona ta'ua e Luka, sa "nofo fa'alilolilo ai Elisapeta" o se tali fa'anatura i se mea ua foliga mai o se ma'itaga e lē o mautinoa. Ae i le ono o masina, ua amata ona malamalama atoa ma talia lenei meaalofa matagofie, o ia fo'i na talia se asiasiga – ae le mai se agelu, po'o se miti. Na sau iā ia le tagata o lo tatou Tinā Pa'ia lava ia o lo'o tau'ave le Fa'aola o le Lalolagi. Ua tu'uina atu iā Elisapeta le fa'amuumua, mulimuli mai ia Maria ma Iosefo e talia lo tatou Ali'i i lona fale.

O lenei meaalofa, ua silisili e o'o lava i lona lava alo, ua maitauina e Elisapeta, ua fai mai, tatou te fa'apea, mo fafine uma e filemū ma fa'atuatua, "Ua alaga ia, ua leo tele, ua fa'apea mai "Amu'ia oe i fafine uma, amuia fo'i lē a fanau mai iā te oe! Pe fa'apefea fo'i lenei mea, ina ua sau le tinā o lou Ali'i i te a'u nei. Fa'auta fo'i ua o'o mai le leo o lou alofa i o'u taliga, ona osooso ai lea o le tama i lo'u manava ma le olioli. E manuia fo'i le fafine e talitonu, e taunu'u mea ua fetalai mai ai le Ali'i iā te ia" (Luka 1: 42 – 5). Mai nei upu, o mea uma sa fa'atalitali ai Elisapeta, o lona māasiasi ma le lē fanau, o lona usita'i ma le mata'itū i le Tulafono, ua tu'u fa'atasia i se olioli ua fa'ailoaina o le afio ai o le Atua. O lenei taimi, ua o'o lava ona sili atu i lo le fanau mai o lana tama, o le itulā tonu lea a Elisapeta.

Ae toe tasi lava le galuega ae le'i toe solomuli atu; o lona lava fa'aaliga e molimoli atu o Sakaria ua le mafai ona tautala talu mai le talanoaga ma le Agelu na fa'alatana ai lona vaivaiga. Ua le mafai ona ia fa'aigoaina le tamaitiiti, ma o Elisapeta, sa fa'atalitali umi mo lana tama, ua tu'uina atu i ai pe mafai ona tautala atu iā i latou o le a fa'aigoaina le tama ile igoa a lona tamā. O le Fa'aaliga o lana matafaioi lea i le taimi tonu lea.

"E leai," ua fai mai ai o ia, "e fa'aigoa o ia iā Ioane," ma o isi fesili e mo isi tagata se'i mafai e Sakaria ona lagolagoina lana ta'utinoga. Mai lenā taimi, na toe fo'i ai Elisapeta i lona olaga lē pisa ma lana tane ma lona alo fa'apelepeleina ua fa'anaunau i ai, ma ua tatou lē toe fa'alogo i se tala e uiga ia te ia. Ae o lo'o tautala mai pea iā i tatou i lona taliaina, lona usita'i fa'atalitali, ma lana tali atu i taimi pupu'u i taimi sa maua ai sona sao i le tala o tatou fa'aolataga.

Manuia tele lenei masina mo Agaga Uma

AFIOGA KATINALE JOHN DEW



UŌ PELEINA

O Fa'afeiloa'iga, Talosaga ma mo'omo'oga Alofa mai Roma

O ni taimi faigatā tele nei i le to'esea mai Niu Sila a o matou taumafai e talia le fa'amavaega a Epikopo Charles Drennan mai le Pule'aga a Palmerston North. A o i ai i Roma sa ou maua ni fe'au o le lagolagosua ma le malamalama'aga mai tagata, ma ni fe'au matagaofie o le fa'amafanafana ma tatalo a o feagai atu le ekalesia i nei taimi o le fa'anoanoa ma le mafatia. O le tele o fe'au sa ou maua e uiga i le FA'AMOEMOE. Mo se fa'ata'ita'iga, o se fa'aupuga mai iā Suzanne Pa'ia sa avatu iā a'u e se tasi-na fa'apea mai "Aua ne'i mamulu atu le fa'amoemoe a o malaga." Sa fesoasoani tele nei fa'aupuga ma ou te fa'amoemoe e fa'apea fo'i mo outou. E tatou te mafaufau ua si'osi'omia i tatou e le fa'anoanoa, ae o le fa'atuatua e aumaia iā i tatou le fa'amoemoe.

Ou te le'i 'au ai i le fa'apa'iaina e avea ma Sagato John Henry Cardinal Newman ma isi sagato e to'afa i St Peter's Square. Sa ou fa'aogaina le avanoa e malaga atu ai i le itu i Luma i Sisifo e asiasi atu ai i fanuatanu a le tamā a lo'u tamā, na maliu i le Taua Muamua a le lalolagi. O le malaga i

Farani o se mea sa ou naunau lava ina ia faia ona o lo'u fo'i tamā e le'i ilooaina lona tamā ma e lei maua foi e ia se avanoa e pei ona ou maua, e asiasi ai i Tu'ugamau a le Taua o Malotu'ufa'atasi.

O lea ua ou faitau i upu a Pope Faranisisi sa saunoa ai i le Fa'apa'iaina sa ia fa'aogaina ai upu a Newman i le lima o sagato fou fa'atasi ai ma Katinale Newman sa tusia upu ia o se solo sa fa'aigoaina "The Pillar and the Cloud."

Sa fai mai Pope Faranisisi, na ta'ua e Newman: "O le Kerisiano e i ai filemū e loloto, lēleoa, e natia ae lē maua e le lalolagi. O le Kerisiano e fiafia, faigofie, alofa, agamalū, fa'aaloalo, e le masalosalo; e le fa'atagāfai... e itiiti lava ni fa'aletonu pe atagia mai ai lona va'aiga e taumate ai o se tagata masani". I le ta'ua o le pese lotu ta'uta'ua a Cardinal Newman "Lead, Kindly Light" na tatalo ai le Pope o Kerisiano uma lava o le a "avea ma malamalama agalelei i le ogatotonu o le fa'anoanoa pogisā".

Ma Fa'amanuiaga Uma Lava

+ Ioane

SAKALAMETA

Sina Va'aiga Pu'upu'u ile Tuputupu'e o le Misasa

I le va ole fa ma le ono o seneturi, i le mae'a o le piriota amata o le Fa'akerisiano, o le Misasa na tuputupu mai i se sauniga mea'ai pu'upu'u ma le fa'atauva'a ma avea o se sauniga ua auiliili lelei ona tapenaga.

O se taimi taūa i lenei suiga o le avea o le Fa'akerisiano o se talitonuga aloa'ia a le Malō a Roma. O le mea lea na avea ai le faigataulaga o le eukalisitia o se sauniga fa'alemālō fa'apea le fa'alelotu. Inā vaitau sa feagai atu le Ekalesia ma le salalau o le talitonuga fa'aaria e te'ena le mamana o Keriso. I le tali atu i lenei pepelo na gaii le Ekalesia e fa'amamafa le mamana o Keriso fa'apea le tagata. O lenei faiga sa i ai lona a'afiaga tele i vi'ivi'iga o le eukalisitia. I taimi i luma atu, o le fa'ataūa sa i luga o le fa'apotopotoga atoa feso'ota'i ma Keriso i ana tatalo o le fa'afetai i le Tamā, o le autū ua i ai nei ua tele i le tatalo iā Keriso o se

tasi o le Tasitolu ae fa'aitiitia le 'au ai o tagata i ana tatalo o le fa'afetai.

O nei suiga sa va'aia ai fo'i ma le toe teuteuina i le uiga o le fa'aupuga 'Eukalisitia'. O le sauniga atoa lava na amata ona ta'ua i fa'aupuga e pei o 'taulaga' ma le 'sauniga' ae o le fa'aupuga 'Eukalisitia' lava ia ua amata ona na o elemene pa'ia o le falaoa ma le uaina fa'apa'iaina. O le vaega masani o le sauniga o le eukalisitia: momoliina mai o meaalofo o le falaoa ma uaina; tatalo i luga o nei meaalofo ua a'afia ai le toe manatuaina o le Tausama'aga Mulimuli, Komunio ua fa'asoa e le au fa'atuatua. O vaega masani nei o le sauniga na tumau e le'i suia. I nisi o suiga o fa'aopopoga po'o ni fetu'ua'iga i tatalo na faia.

I le vaitau o Kosetatino o epikopo ua tauavea le fa'ailoga o tulaga fa'afamasino – o se pulou fa'apitoa, se'evae ma le mama- ma sa i ai le manatu latou te ofuina nei mea i

SAKALAMETA

fa'apopotoga tagata laua'itele. O fa'amasino sa ave i ai le fa'aeaea fa'asauniga – e nofo i le nofoatupu, e fa'afeao e molī afi ma iseso i le polesesio ma e fa'afeiloa'i i le ifo i le tuli o se fa'ailoga o le fa'alaolao. Ona o faigā talosaga o ni mea sa faia i nofoaga lautele fa'asetete, o nei fa'aeaea sa fa'aopopo i le sauniga ole eukalisitia. O le fa'atonuga a Kosetatino ia faia le aso Sa o se aso mo malologa ma o lona uiga o le aso atoa ua fa'aleoleo mo faigā talosaga ma tapua'iga ma na tuputupu malie mai ai se sauniga ua auiliili lona tapenaga.

O sauniga i na taimi sa patipatia i le gagana Eleni, o le gagana masani a le malō. I le seneturi e fa o le fa'aogaina laua'itele o le gagana Eleni ua amata ona mou atu ma na fa'aliliu le sauniga i ni gagana a Sasa'e ma le Latina i Sisifo.

O se igoa na pito sili ona fiasia i ai tagata i Sisifo o le *missarum solemnna* – o le sauniga o le auina atu. O le igoa ua fa'asino i le auina atu o le 'au fai kapite i le uma o le lauga, o le fa'ata'ape o latou ua fa'amagaloina a latou agasala ae le'i faia le komunio ma le fa'ata'apeina ole fa'apopotoga i le uma ole komunio. O le igoa na amata malie ona fa'apu'upu'u o le *missa*, lea na sau ai le upu Peretania "Mass". Na fa'aauau pea le fa'aogaina o le upu na ave'ese mai le fa'ata'apeina o le 'au fai kapite mai le sauniga ina ua avea le papatisoina o pepe o se masani, ma le fa'ata'apeina ole 'au salamō i luma mai o le Komunio ua ave'ese.

A o alualu i luma le fa'aleleia o le sauniga fa'asauniga e pule lava lē o lo'o ta'ita'ia pe fa'apefea ona fai aga'i atu i se sauniga fa'asetete o tatalo laulauina ma gaoiga ua fa'atulaga lelei latou faiga. I le ono o seneturi ua avea ma faiga ua na o ositaulaga o lona autu o le epikopo ma ositaulaga ma tiakono o lo'o 'au ai, fa'atasi ai ma monike e masani ona ta'ita'ia pesepesega. O tagata laua'itele ua amata ona latou taliaina le leai o se latou vaega e fai i le sauniga.

O le suiga leni o le autu o le Eukalisitia na sau fa'atasi ma le suiga o le tali atu i lona fa'auigaina. Mai le ogatotonu o le seneturi e fa o le afio ai o Keriso, lea ua va'aia o le afio ai o le Atua, ua amata ona fa'a'atū i le falaoa ma le uaina. O le natura autū o le sauniga ua suia mai le taulaga e momoli i le Tamā i le lagonaina ole afio ai o le Keriso toetū i le maliu o Keriso i luga o le koluse, ua mafaia lea i le malosi o le Agaga Pa'ia.

O Ositaulaga ma epikopo ua va'aia ua latou faia le taulaga mo tagata, tusa pe talia e tagata le Eukalisitia pe leai. O le matafaioi a Keriso i le afio ai i le fa'apopotoga atoa o lo'o ofoina atu le faitaulaga e tasi ua tu'u avanoa lea i le matafaioi a Keriso o lo'o afio i le 'au ositaulaga fa'au'u o lo'o momolia le taulaga e tasi mo tagata laua'itele. Mo tagata lotu, o le fa'aitiitia o le i ai o keriso i o latou fa'apopotoga, momoli fa'atasia ma Keriso o lana taulaga i le Tama, ae o le va'aiga ma le fa'atasi ai i le faitaulaga a Keriso ua molia mo latou ina ia maua le fa'aolataga.

I Tausaga Ogatotonu, o sauniga i Sisifo na fa'aauau ona fa'atupulia se'ia o'o i le seneturi e sefuluono, ina ua fa'ama'oti e Roma se faiga e tasi o sauniga a le Ekalesia Katoliko. Mai le taimi o le gaoiga o le tete'e a Porotesano, na latou fa'avacina la latou lava ituaiga o vi'ivi'iga e fa'aali ai lo latou malamalama'aga i le Eukalisitia.

O le suiga tele e tasi i sauniga i Sisifo i le vaitaimi lea o le tuputupulia o Misasa e fa'alilolilo, osia e se palepitelo ae

leai se fa'apopotoga. Na amatalia leni faiga i monaseri. E o'o mai le taimi lea o monaseri o ni nofoaga sa fa'au'u ai nisi o monike ina ia mafai ai ona latou ta'ita'ia sauniga mo le tele o monike. I le seneturi ono, ina ua avea monike ma misionare i Europa i matu, o le to'atele o latou sa fa'au'uina ina ia mafai ona aumai le Misasa ma sakalameta i atunu'u ua o'o atu i ai le tala'iga. A o fa'asolosolo malie le tausaga sa fa'atumulia monaseri i ositaulaga, o nisi o latou sa manan'o e osia Misasa i aso ta'itasi ma amata ai ona faia fa'alilolilo.

I aso Sa ma aso o sulufaga sa faia ai Misasa i nofoaga faitetele mo le laua'itele. O isi aso o Misasa a se ositaulaga ma nai tagata e 'au ai ua avea o se masani. Ina ua auina atu e le Ekalesia i Sasa'e misionare i nu'u i Europa na fa'aliliuina le Tusi Pa'ia i gagana a le 'au liliu fou. I sisifo sa osia lava le Misasa i le gagana Latina, ua na o ositaulaga ma nai tagata sa malamalama ai, ona o le tulaga fa'apea i lo le ta'ita'ia o tagata i le Eukalisitia, o faife'au ma epikopo o na taimi ua ofoina atu le Misasa mo tagata. O le malamalama'aga o tagata i le Misasa na sau mai mea sa fa'amatala atu iā i latou. O le malamalama'aga o taimi nei o le Misasa o se faigataulaga ua i ai moni o le tino ma le toto o Keriso i le aletale, o le Misasa ua momoli mo a latou agasala, ma a talia le Komunio i le Misasa ua latou 'a'ai i le tino ma inu i le toto o Keriso.

Mai le seneturi fitu aga'i atu i luma, o le faiga o le sauniga sa ta'ua o le Gallic (fa'amamafa le mamana o Keriso i lo lona tagata) na amata ona a'afia ai tatalo ma sauniga Fa'a-Roma. O se sauniga fa'akofesio mo agasala ua fa'aopopo i le tatalo amata, ma folafolaina ole lē aogā ua fa'aopopo i isi vaega. Tele fa'aailoga o le koluse sa faia i luga o le falaoa ma le uaina ma fa'aaloalo i le ifo i le tuli i le uma o le fa'apa'iaga. O le Tatalo o le Eukalisitia ua fa'aigoaina nei o le Kanone o le Misasa ma ole vaega sili le pa'ia o le saunga. O upu o le fa'apa'iaga sa musumusina ona o le puipuiga ma le fa'aeaea i le misitelo pa'ia ua i ai i luga o le aletale.

Na amata ona talia e tagata laua'itele le Komunio i laulaifaiva i lo i lima ma sa fa'amalosia e to'otutuli i lo le tūtū mo lea vaega o le sauniga. Ona e toaitiiti tagata sa talia le Komunio, o le pa falaoa e le'i mana'omiaina. I lona tulaga o se tama'i ositia lapotopoto la'ititi na faia mai le falaoamata ma le vai na sui ai, i le talitonuga o le Tausama'aga Mulimuli a Keriso o se mea'ai Fa'apaseka sa faia i se falaoa lē fa'afefetea. O le upu ositia na sau mai le upu Latina *hostia* o lona uiga o lē ua osi ai le taulaga.

I le vaitau po'o le sefuluono seneturi sa fa'atulaga le aletale e fa'apipi'i i tua o le falesa. Sa masani e amata ona faia e le ositaulaga le tatalo o le Kanone a o ui lona tua i tagata. O le umi o le va o le ositaulaga ma tagata na fa'asolosolo ona vatele. O laulau Komunio sa fa'aopopo ina ia to'atutuli ai tagata e talia le Komunio ma le koluse sa tu'u i luga a'e o le aletale e fa'amanatu ai le Keriso fa'akoluseina. O faitauga o le Tusi Pa'ia sa i le gagana Latina ma ona e le o le gagana lea a tagata, o le ositaulaga e masani ona faitau lemū i luga o le aletale. O aletale i autafa sa fa'aopopo i falesa tetele ma malumalu a epikopo mo Misasa ta'ito'atasi a faife'au ma falesa tetele sa tumu i tioata felanulanua'i ma fa'atusa e fa'aosofiaina ai e o'o lava i le 'au leiloa faitau.

I le vaitau o Tausaga Ogatotonu o le talitonuga a le Ekalesia o Keriso atoa o lo'o afio ai fa'asakalameta i le falaoa ma le uaina ua fa'apa'iaina na mafua ai ona fa'aetetege o fasi ositia ua fa'apa'iaina po'o ni tama'i uaina ua masa'a. O le mafua'aga lea na aumai ai ni suiga: e tatau ona ifo to'atuli le

SAKALAMETA

ositaulaga i taimi uma e tago ai i le ositia ma fa'apipi'i fa'atasi ona lima ina ne'i pa'u sina fasi ositia, ma na taofia le fepasia'i o le kalise i tagata e talia le Komunio ina ne'i masa'a le uaina. Ona sa manatu o Keriso atoa o lo'o i ai i le ositia, o le taliaina ole uaina sa le mana'omia.

Ina ia tu'uina atu i le sakalameta le fa'ataua tele, na tu'uina le tapenakulo e latalata po'o luga o le aletale ma se mol'i e mumu pea e fa'amanatu mai le afio ai o le Atua i le falesa; o tapuaiga ma ifoga ia Keriso o lo'o afio i le ositia ma le uaina o se masani. Na fa'asolosolo ma'lie le si'i a'e i luga ole ositia ma le kalise na avea ma vaega maualuga o le sauniga o le eukalisitia.

O le fesili taua tele fa'atelosia mo le 'au su'esu'e fa'apitoa i tausaga ogatotonu pe fa'apefa i le falaoa ma le uaina ona liua ma tino ma toto o Keriso. I le sefulutolu o seneturi na tu'u fa'atasia ai se upu e fa'amatala ai le suiga leni. Ua fa'asino lea i le suia o se tino po'o le moni o le falaoa ma le uaina. O le tino o le falaoa ma le uaina ua talitonuina ua suia i le moni o le tino ma le uaina o Keriso, e aunoa ma le suiga i le va'ai i vaega totino o le falaoa ma le uaina. Sa taliaina leni fa'amatalaga o le suiga na tupu i le taimi o le fa'apa'iaina, ma na taunu'u atu i le seneturi sefululima o le a'oa'oina o se isi mau ua va'aia o le fa'apaupau ma le fa'atu'i'ese. I le fa'ai'u o le Tausaga Ogototonu ua suia le Misasa: mai le gaioiga o faigatalosaga laua'itele i se faiga ua na o se ituaiga o faiga talosaga ma tatalo tu'uto a ositaulaga ona o tagata laua'itele; mai le patipatia fa'atasi e le epikopo fa'atasi ai ma ana faife'au ma tiakono i se faiga ua

fa'ataunu'uina i se taimi e tasi i se falesa e tasi e le tele o ni faife'au; mai se sauniga o le faitauina o le Tusi Pa'ia e mulimuli mai ai ma le sauniga o le Komunio aga'i atu i se faitaulaga fa'afa'aailoga ua le lagoonai ai faitauga ma le Komunio i nisi o taimi ua le tufatufaina.

O le Misasa ua avea o 'galuega lelei' na fa'atinoina e faife'au mo le lelei o le Ekalesia. O le Misasa leni sa silafiaina e latou sa ta'ua o le 'Aufa'afou, ma o le Misasa leni sa te'ea e le to'atele o latou.

“IA VI'IA `OE” (LAUDATO SÍ – Pope Falanisisi) Fa'aliliuina: Falefou Sio



Fa'atinoga masani o Aiāfeāloa'i.

122. O ta'ita'iga sesē a le tagata e tatā'i sesē ai se olaga. I le Apoapoaiga Fa'a-Aposetolo a le 'Olioli i le Evagelia' (*Apostolica Adhortatio Evangelii Gaudium*), na ou maitauina ai le fa'atinoga masani o aiāfeāloa'i patino i lo tatou vaitaimi ua "sili atu ona fa'atupumala nai lo a'oa'oga fa'avae o aiāfeāloa'i a le Ekalesia." Ina ua tu'u e tagata soifua i latou lava i le 'ogātotonu, ona latou fa'amuamua lea o mea talafeagai e manaomia vave, ma ua fa'atatau i ai isi mea uma. O le mea lea e lē tatau ai ona fa'ate'ia i tatou pe a maua ai, fa'atasi ai ma le tulaga maoa'e o le fa'atekonolosi ma le lē fa'atapula'aina o le tomai o le malosiaga fa'aletagata, ua iloa ai le tula'i mai o le aiāfeāloa'i e pei o se meanoa ma se taūa i mea uma, se'i vaganā ua mana'omia i se mea e fiafia i ai le tagata lava ia. E i ai se manatu i nei mea uma e mafua ai ona eseese uiga fa'aalia e fafagaina ai e le tasi le isi, ma mafua ai le fa'aleagaina o le siosiomaga fa'apea le palagia o agafeso'ota'i.

123. O le aganu'u o le aiāfeāloa'i e tutusa lelei ma le ma'i lea e mafai ai ona fa'aaogā e le isi tagata le tasi, ma fai ai isi tagata pei o ni mea faitino, ua avatu ia i latou ni galega

fa'amalosi po'o le fa'apologaina o i latou e totogi ai a latou aitalafu. O le ituaiga mafaufauga lava lea e tatā'i atu ai i faiga feusua'i i fanau ma le lafoā'ia o tagata matutua o e ua lē toe aogā i o tatou mana'oga. O le mafaufau foi lea o i latou na fa'apea mai: Ia tatou fa'atagaina le malosiaga lilo o le maketi e fa'atonotonua le tamaoiga, ma ua talia ai o latou a'afiaga i le sosaiete ma le natura pei o se manū'a fa'aleoleo. O le noa ai o ni manulaufi moni po'o ni fua fa'avae e ese mai i le fa'amalieina o o tatou lava fa'ananau-ga ma manaoga o aso uma, pe o a ni tapula'a e mafai ona tu'uina atu i fefa'atauā'iga o tagata, o soligatulafono fuafuaina, le fefa'atauā'iga o vaila'au o'ona, o pisinisi taimane-toto ma le lamatia o pā'u saēi o meaola? Pe lē'o le manatu ea lea o aiāfeāloa'i lea e fa'amaonia le fa'atauina mai o totoga o tagata matitiva mo le toe fa'atauina atu po'o le fa'aaogāina foi i su'esu'ega fa'ata'ita'i, po'o le fa'atāma'ia o tamaiti ona e lē'o le mea lea e manana'o ai o latou matua? O le manatu lava lea e tasi o le "fa'aaogā ma lafoā'i" e mafua ai le tele o otaota, ona o le naunau palapala i le ova fa'aaogā nai lo le tataua mana'omia. E lē tatau ona tatou manatu i taumafaiga fa'apolokiki po o le malosi o le tulafono ua lava lea e puipuia ai amioga ia e a'afia ai le siosiomaga, ona afai o le aganu'u lava ia e 'ele'elēa, o fuafuāga moni ma fa'avae aogā uma o le a lē toe mautū, ona mafai loa lea ona va'ai i le tulafono e pei o se lotofaitalia fa'agaōi po'o se fa'alavelave foi ua 'alo'ese ai.

E mana'omia le puipuia o galuega.

124. So'o se auala e fa'avae ai se mea fa'ale-siosiomaga,

lea e fa'amatalaina e aofia ai foi tagata soifua, e mana'omia ai le fa'ataua o le galue, e pei o le ma'ema'eā o Sagato Ioane Paulo II na ia tā'ua ai i lana tusi fa'a-Aposetolo o le 'Fa'atino Galuega' (Laborem Exercens). E tusa ai ma le mau fa'ale-tusipaia o le foafoaga, na tu'uina e le Atua le tane ma le fafine i le fa'ato'aga na ia faia (Kenese 2:15) e lē gata ina ia malupuipua ("tausia") ae ia uluola ("fa'atō'a"). O le aufaigaluega ma tufuga e "fa'amautūina le faiga o le lalolagi" (Sir 38:34). O le atiā'eina o le lalolagi na faia i se auala fa'autauta o le auala sili lea e tausia ai, o lona uiga ua avea i tatou lava ma a'aotufuga ua fa'aogā e le Atua e au-maia i fafo le manatatanu lea na ia tusia i mea na faia: "Na faia e le Ali'i o vaila'au mai le lauelele, ma e lē fa'atamala i ai le tagata fa'autauta." (Sir 38: 4).

125. Afai tatou te mafaufau i le vāfeāloa'i moni i le va o tagata soifua ma le lalolagi o s'iomia ai i tatou, tatou te iloa ai le mana'omia o se malamalama'aga moni i galuega; afai tatou te talanoa e uiga o le so'otaga i le va o tagata soifua ma mea na faia, e tula'i mai ai se fesili i lona uiga ma le mafua'aga o gaioga uma a le tagata. O lea mea ua fai, ua lē gata i fa'ata'otoga po'o le galueā'ina o fa'ato'aga, ae fa'apea foi i so'o se gaioga e aofia ai le fesuiā'iga o mea uma ua i ai nei, mai i le tu'uina atu o lipoti fa'alaua'itele e o'o atu i le mamanuina o se atina'e fa'atekonolosi. O le tala'aga o so'o se ituaiga o galuega o se finagalo fa'ata'oto i le so'otaga, lea e mafai ma alagātatau ona tatou maua ia mea e 'ese mai iā i tatou lava. Fa'atasi ai ma le maōfa i mafauauga loloto o le foafoaga ua tatou maua mai iā Saga-to Falanisisi o Asisi, o le aganu'u Kerisiano fa'aleagaga ua atiā'e ai se malamalama'aga tau'olua ma le paleni i le uiga o le galue, e pei o se fa'ata'ita'iga, i le olaga o Peato Salesa o Foucauld ma ona so'o.

126. E mafai foi ona tatou va'ai i le maō'e o tū ma aga masani a monaseli. Mai lava i le amataga, pei o se ituaiga o faigamalaga mai le lalolagi, pei o se sola'ese mai i le fa'atāfunāga o 'a'ai o mālō. Sa sa'ilia e le au monike le toāfa, ua talitonu o le nofoaga sili lea e feiloa'i ai ma le mamalu o le Atua. Mulimuli ane, na fautuaina ai e Sagato Penetito o Norcia e nonofo ana monike i ni nofoaga fa'afaigānu'u, e tu'ufa'atasia i le tatalo ma faitauga fa'aleagaga fa'atasi ai ma galuega fa'ata'atitia (*tatalo ma galue/ora et labora*). O le va'ai i galuega fa'ata'atitia o se fua fa'aleagaga e fa'amaonia ai le fouvalēga o le tagata. O le tuputupuā'e fa'aletagata ma lona fa'apaiaina e maua ina ua sa'ilia i le fefālōa'iga i le va o le tofāva'ili ma le galue. E avea lenei auala o galuega fa'atino e atili ai ona puipua ma fa'aaloologia le siosiomaga; e fausia ai le tatou faia ma le lalolagi fa'atasi ai ma se soifuāga maloloina lelei.

127. Tatou te talitonu o le "tagata le mafua'aga, o le taula'iga ma le sini o le tamaoiga uma fa'apea agafeso'otai o le olaga." E ui i lea, o le taimi lava e fa'alētonu ai le tofā fa'aletagata i le mafauauga loloto ma le iloa fa'aaloalo, ona faigofie loa lea ona lēmalalama i le uiga o le galue. E tatau ona tatou manatu i ali'i ma tamaiti'i ua i ai le "agava'a e fa'aleleia atili ai i tatou, ina ia talisapaia o latou tupuāga o aganu'utonu ma ia atinā'e a latou mealofo fa'aleagaga. "O le galue e tatau ona avea ma nofoaga e fa'aoloina ai le tupu'aga o le tagata, lea e tele vaega o le olaga e ofi atu i ai: fa'afotu, fuafuaga mo le lumana'i, atinā'eina o taleni, olaina o tatou tū ma aga, feso'ota'i atu i isi, ma avatu le vi'iga i le Atua. E mulimuli mai e fa'apea, i le moni o le lalolagi atoa i aso nei, e taūa tele le "fa'aauu pea ona fa'amuamua le sini mo avanoa o galuega tumau mo tagata uma," e tusa lava po'o le a le fa'atapula'a o manaoga fa'apisinisi ma lēmautonū taulumaga o le tamaoiga.

128. Na faia i tatou fa'atasi ma se vala'au paia e galue. O le sini e lē tatau ona mulimuli i le fa'atupula'ia o le alualu i luma o le fa'atekonolosi ona suia ai lea o galuega a le tagata, auā o le a afaina ai le tagata. O le galue o se mea ala-gātatau, o se vaega o le uiga o le olaga i luga o lenei

fogālelele, o se ala i le tāolaola, i atinā'e fa'aletagata fa'apea le fa'amalieina o le tagata lava ia. O le fesoasoani tautupe mo tagata matitiva e tatau lava ona avea ma tali tumāu i le feagai ai ma manaoga tugā. O le manulauti aoao e tatau lava ona tatala i se olaga fa'atamāli'i e ala i galuega. Ae o le fa'atulagaga o le tamaoiga ua fialia tele i se ituaiga o taulumaga fa'atekonolosi ua fa'aaititia ai tau o mea gaōsi e ala i le fa'ata'atia'e o tagata faigaluega ae sui i masini. O le isi lea auala ua mafai ai ona tatou o'o atu i le galulue fa'asagatau iā i tatou lava. O le lēmaua o ni galuega e i ai foi sona a'afiaga tūgā i le tamaoiga "e ala i le alualu i luma o le tafi'esēa o manuia lautele: o le feso'otaiga i so'otaga fetalitōnuā'i, le felagolagoma'i, ma le fa'aaloologia o tulafono, o ia mea uma e matuā'i tatau lava mo so'o se tulaga fa'alemalō i le nonofo fa'atasi ai o tagata." I se isi fa'aupuga, "o tupe fa'aalu i tagata e tatau lava ona aofia ai tupe fa'aalu i le tamaoiga, ma o le lēfetau'i o le tamaoiga e masani ona a'afia ai tupe fa'aalu i tagata." I le taofia o teugatupe fa'afaigaluega e ala i tagata, e mafai ai ona maua se fa'asiliga mo teugatupe fa'avaitaimi, o ni pisinisi leaga mo le sosaiete.

129. Mo le fa'aauuina o le maua o avanoa faigaluega, e taūa tele mo le si'itia o se tamaoiga lea e lagolagoina mea gaosi eseese ma le atina'eina o pisinisi. Mo se fa'ata'ita'iga, o lo'o i ai se esecese tele ua lē fuatasi i ituaiga o taumafa gaosi e fafagaina ai le toatele o tagata o le lalolagi, a fa'aogaina se fasi fanua e itiiti foi otaota e maua mai ai, i totonu o nei fasi fanua faifa'atoaga, o la'au'aina ma togala'au, tuligamanu ma le tāina o le vao po'o fagotaga fa'alotoifale. I le fua fa'ata'ata o tamaoiga, aemaise lava i le itu taufa'atoaga, ua 'i'u ina fa'amalosi ai tagata maufanua laiti e fa'atau atu o latou fanua po'o le lafoa'i foi o a latou meatotō masani. Ua latou taumafai e sui i nisi fanua, e telē se esecese, e tusa ai ma le fa'at'oaia ma maupūina ai le lē fua mai ona o le faigatā o feso'ota'iga ma maketi o lea itulagi fa'apea ma le lalolagi atoa, po'o le fefa'ataua'iga foi o aseta ma fela'ua'iga ua fa'apito lava na'o pisinisi tetele. Ua i ai i pulēga fa'ava-o-malo le aiā ma le tiute e fa'atautaia manino ai ma fa'amautūina auala e lagolago ai pisinisi laiti ma le tu'ueseeseina o oloa gaosi. Mo le fa'amautuina o le sa'olotoga o le tamaoiga e mafai ona manuia uma ai, ia i ai ni taimi e tatau ona taofiofia ai i latou e tele atu a latou tamaoiga ma malosiaga tautupe. O le tapā o le sa'olotoga o le tamaoiga 'a'o le tulaga moni, ua taofia ai le to'atele o tagata mai le auala sa'o e maua ai, 'a'o fa'aaititia pea avanoa faigaluega, ia fa'atinoina se talanoaga leagalua e tautalagia ai faiga fa'apolokiki. O le pisinisi o se tofiga fa'atamāli'i, ua fa'atautaia ina ia sasa'a mai le tamaoiga ma fa'aleleia lo tatou lalolagi. E mafai ona avea o se punaoa lelei o le tamaoiga mo nofoaga o lo'o faia ai, aemaise lava pe a va'ai i le maua ai o avanoa faigaluega, o se vaega taua o lana auauuga mo le manuia lautele.

----- e fa'aauu pea -----

E VA' AIA MA TINO MAI

O le aso 9 o Novema e fa'amanatu ai le Sulufaga o le Paselika o Sagato Ioane Lateran i Roma; o "tatou" o suli o le Ekalesia i le lalolagi atoa. O le tele o tagata Katoliko e le'i tuvae lava i lenei paselika, aiseā la tatou te patipatia uma ai lenei sulufaga? Ona o lenei falesa o le Malumalu a le Pule'aga a Roma o lo'o afio ai le Epikopo a Roma. Ona ole Epikopo a Roma, le Pope, o le ta'ita'i o le Ekalesia aoao, o le Paselika a Sagato Ioane Lateran o le falesa "palisi" mo le Ekalesia e tasi, paia, Katoliko, ma aposetoliko a le lalolagi atoa. E pei ona tatou fa'amanatu a tatou falesa ia tatou palisi, ua fa'apea ona tatou patipatia le tu'uto o la tatou palisi aoao.

Atonu e leai se a'afiaga tele o lea fa'amanatuga i o tatou falesa ta'itasi, ae e i ai lona so'otaga ma e alu tonu i le fatu o lo'o afio ai Keriso ma auala ua ia feso'ota'i mai ai iā i tatou po'o fea lava tatou te i ai.

O le Keriso Va'aia

I le amataga o lana Evagelia, o Ioane le Tusi Evagelia ua fa'amatala mai iā i tatou "ua Liu Tino Tagata le Upu." O le Tusi Muamua a Ioane i le Feagaiga Fou ua amata i le fa'amamafa so'o mai o lenei "Upu," o Iesu lea, o se tasi na va'ai i ai Ioane ma pa'i atu i ai i ona lima. O le Tusi a Ioane o le Fa'aaliga o lo'o molimau mai e fa'apea o le Upu e tumau le va'aia ma le tino mai i le tala'aga e ala i ekalesia uma lava ua tutū fa'atasi o se Ekalesia e tasi. Ona e va'ai e Ioane Iesu Keriso o lo'o tu i le ogatotonu o pou molī 'auro e fitu o le fa'aailoga o ekalesia e fitu. Ona o le fitu, i le gagana fa'atusi pa'ia, o lona uiga o le atoaga, o nei ekalesia e fitu ua fai ma sui o le Ekalesia aoao. Na mua'i va'aia e Ioane nei pou molī e fitu, ma va'aia Keriso i le ogatotonu. Ua ou feiloa'i atu iā Keriso i le asō e ala i lana Ekalesia ua va'aia ma tino mai.

Ina ua feiloa'i atu Paulo i le Keriso toetū, na fai atu Iesu ia Paulo, "Se a lea mea ua e sauā mai ai iā te a'u?" Ona fa'aailoa atu ai lea e Iesu o ai ia fa'atasi ai ma suli o lana Ekalesia. Sa ia fa'atonu Paulo ina ia papatisoina o ia, ona fa'aulufale mai ai lea o Paulo i le fa'apotopotoga a le Ekalesia. E le'i malaga lava Paulo i sana misiona e aunoa ma se isi la te ta'ito'alua, ma ina ua fa'asalaina ile falepui-pui e masani lava ona talosaga mo nisi e asiati atu ma sa taliaina lana talosaga. Na malamalama lelei Paulo o le auala e tūmau ai le la mafutaga ma Keriso toetu e ala ile va'aia ma le fa'apotopotoga ua tino mai o lana Ekalesia. O lea mana'oga o le a fa'amatalaina i a'oa'oga a Paulo i le Tino Misitelio o Keriso: o tatou o le tino e tasi, le Keriso o le Fa'aululuga, ma o tatou o suli.

Tu'ufa'atasiga Malosi

O le sulufaga o le asō ua toe manatua ai i lenei va'aiga ma le tino mai moni o Keriso. O le Pope o se fa'aailoga o lo tatou tasi'aga. O le Paselika Lateran o se nofoaga ua va'aia ma le tino mai ua fa'aailoa ai o tatou o le Tino, Ekalesia e tasi ua tu'u fa'atasia e le Ta'ita'i e tasi.

E o'o lava i le tala'aga tu'ufa'asolo o tu'uto a le paselika ua fa'aailoa mai ai ni fa'aailoga fa'asauniga o le natura o le Ekalesia o le Tino o Keriso. I le amataga sa tu'uto iā Keriso lava ia o le *Basilica Salvatoris*, lona uiga o le Paselika a le Fa'aola. Sa tusia e Sagato Peteru Tamiano ua talafeagai o le paselika ua tau'aveina le igoa o Keriso o le Fa'aululuga o falesa uma.

Na mulimuli ane ua tu'uto iā Sagato Ioane le Papatiso ma Sagato Ioane le tusi Evagelia ona o le monaseri o lo'o soso'o ai a Penetito o ana sulufaga o Ioane ia e to'alua ma o ona suli ua tu'uina i ai le va'aiga o sauniga i le falesa. O lenei tu'uto uiga 'ese "Iesu – Ioane – Ioane" o se katesino fa'afuase'i. Ona o le Ekalesia na fa'avacina e Iesu lava ia, ma o Iesu lava ia o lo'o tumau pea i ai. O fa'apefea ona ia i ai? E ala i tagata ta'ito'atasi o le Ekalesia, e ala ia i tatou uma o ona "so'o fa'apelepeleina," o se fa'aupuga na tu'uina e Sagato Ioane iā ia lava o se fa'aailoga o le alofa fa'aletagata a Keriso mo ia ma le folafolaga o lenei lava alofa mo tatou uma.

O le Ekalesia ua va'aia ma tino mai i aso nei ona o le manatu mai iā Keriso ma le tali atu a latou na talia lona alofa, e ala i le fa'aauuina o le tu'u fa'atasia malosi o Iesu le Ta'ita'i ma tatou o ona suli alofagia. E tupu lenā tu'u fa'atasia, o ekalesia uma o ni molimau va'aia ma le tino mai o le Upu ua nofo i totonu o tatou, e pei o Ioane le Papatiso na avea ma molimau a Iesu Keriso. O Ioane le Papatiso e le o se molimau o se manatu, ae o se tagata ua va'aia sa mafai ona aumaia Sagato Ioane le tusi Evagelia e ta'ita'ia o ia i lona fa'aola.

O le mea lea ia manuia le Sulufaga o le Tuuto o Sagato Ioane Lateran! Ia avea le tu'ufa'atasia o le va'aia ma le tino mai o le Ekalesia, le Tino a lo tatou Fa'aola Agaalofo, e fa'aauuina le tauaveina le falesa palisi e tasi ma i falesa palisi uma, ma nofoaga uma o lo'o i ai ona so'o fa'apelepeleina ma o lo'o ia nofo ai ma i tatou.

I SAKALAMETA UA TATOU FEILOA'I ATU AI IĀ KERISO LE FA'AOLA

O le Agaga e Talavou

I le tauiviga ai ma le ma'i o le a avea ai lona ola, o se ali'i toaina ma se ositaulaga pa'ia na pupula mai iā te a'u ma mata ua tumu i le ola ma fai mai, "O le agaga e talavou!" Sa ia fa'amatala e fa'apea e ui o lona tino ua matua ma fa'apeapea atu, e le'i lagonaina sona matua. E le'i fa'alo-

goina lava sona matua. Ua ofo i le fa'alogona talavou a le agaga mai i totonu, ua manino lelei i lenei taimi o lona matua i lo so'o se isi lava taimi. Na ou a'oa'oina lenei mai isi tagata matutua ma e foliga mai o se mea masani; ae ou te manatu pe i ai se fesoasoani a le fa'atuatua e maitauina le talavou o tatou agaga. O le sauniga a le Ekalesia sa ta'ita'ia

e lenā faife'au i lona olaga atoa e fa'atupulia iā ia lava se atali'i, se tamaitiiti a le Ali'i sa ia fa'alupu i le tele o taimi o le aso o le "Tamā".

O sauniga i maliu o lo'o maua ai fa'aailoga o le papatisoga: o le luluina o le vai, o le 'ie pa'epa'e i luga o le pusa e fa'amanatu mai ai le ofu pa'epa'e e la'eina i taimi o le papatisoga, o le sela o le Paseka na fa'aolaina i le Eseta ma papatisoga uma ma maliu. O nei fa'aailoga o le ulufale atu fa'asakalameta ole Atua i o tatou olaga, a o pepe le to'atele o tatou, ua toe fa'aoga a o tatalo le Ekalesia ina ia fa'aulufale e le Atua tatou i le olaga e fa'avavau, e masani ina ua mae'a ona ola ai se'ia matua.

I le va'aiga a le Atua, o tatou o ana fanau. Ia tatou tatalo mo tausaga o tatou olaga, o le Tagata 'Ese e lē mailoa na fa'ate'ā i tatou a o tatou laiti e iloaina o ia ua iloa ma alofagia ma fa'aioaina o lo Tatou Tamā.

O Lo Tatou Ali'i o Iesu Keriso, o le Tupu o le Lagi ma le Lalolagi

I nai tausaga ua tuana'i sa aumai ai se manatu o se tasi o ositaulaga e fa'apea, ina ia malamalama lelei tagata i aso nei i lenei sulufaga, e tatau ona suia le igoa i le "O Keriso le Peresetene" po'o "Keriso le Palemia". Ona sa fai mai o ia, o le tele o tagata, ae maise i Sisifo, e le ano lava i ni tupu, ma o atunu'u sa'oloto i aso nei na fa'avacina i le te'ea o sauāga a tupu.

Ae o le faia o ni suiga tetele fa'apenei o le a fa'aletonu i le fa'alecagaga. O Peresetene ma Palemia e fa'amoemoe i le fa'amaoniga po'o le ioega a latou sa filifilia i latou, ma e fa'apea lava ona fai fa'amataupu o faigamalō. A tatou lē 'au ai i filifiliga a tatou ta'ita'i na filifilia i le sa'olotoga, e mafai ona tatou palota 'eseina i latou mai iā latou tofiga. Ae o Iesu Keriso e lē o se isi na fa'amoemoe iā tatou filifiliga. E le tatau ona tatou palota 'eseina o ia mai lona tofi pe a tatou lē taliaina ana fa'atonuga. Ae ua ia fa'atonu mai o ia o le Ali'i o mea uma i o tatou olaga.

Afai o e tau'ave pea ni masalosologa po'o a ni aofiaga e tu'uina atu i lenei Tupu, e ao ona va'ai lelei iā te ia. E le o nofo i se nofoātupu, ae o se 'au'upega ole fa'asauaina; e lē o paleina se pale ali'i e teuteu i 'auro, ae o se pale tuitui ua lavatoto; e lē 'aumaia ni fa'atonuga malosi, ae ua na o upu o folafolaga: O le asō tatou te fa'atasi ai i Parataiso." Aua le fefe, e tu'uina atu vaega uma o lou olaga i lenei Tupu, ona o lona mana e fa'amamanaina ai 'oe ma o ana poloa'iga e fa'aolaina ai 'oe.

O Fa'ata'ita'iga a Tagata Pa'ia

Va'ai i tagata pa'ia (sagato/sagata) i mata o le agaga; o lo'o fa'amalosi'au mai iā te oe ma fa'aali atu iā te oe le nofoali'i o lo'o talitali maia oe, le paleali'i e tatau ona paleina i lou ulu, le tau i lo'o fa'asao mai e le Atua mo a outou galuega lelei, mo tatalo sa faia ma le manatuaina, mo faigataulaga uma sa faia mo lona alofa, mo fa'aailoga uma o lou agaga mo ia. O lenei va'aiga o le a fa'aolaina ai le fa'amoemoe, ua tatou mana'ona'o ai e tu'ua lenei nofoaga mo le aiga i le lagi.

O lo'o fa'amatala mai e Evagelia o le 'au pa'ia ma sagato/sagata e agamalū, matitiva, ma ua mamao 'ese mai le tele o mea. E loto maualalo ma e puapuagatia mai mea uma e aunoa ma le taumafai e fa'apuapuagatia isi; latou te totogi atu...le leaga i le lelei, le ita i le alofa; o latou ua fa'amaonia e fa'aalu o latou aso i tigā ma loimata, e mamao ma le mamalu o le lalolagi; e ma'elega mo so latou lelei atoatoa ma e fia 'ai ma fia inu mo se faimeatonu silisili...ia tatou manatu o tatou fo'i e tatau ona avea ma tagata pa'ia...

"O tatou, e avea ma tagata pa'ia?! O le a se tala a Tinā?" O ou vaivaiga ua mafai ai ona e iloa o se taumafaiga e sili atu i lo lou malosi, ae leai, o tagata pa'ia ua i le lagi e i ai latou uma ua tali mai, e mafai e o'o lava iā i tatou ona avea ma tagata pa'ia. O lenei, o mea latou te mafaia, aiseā tatou te le mafaia fo'i?

O tagata pa'ia sa vaivai fo'i e pei o tatou; o le kalasia na fa'amalosia i latou. Aiseā la tatou te masalosalo ai o tatou fo'i e mafai ona fa'amalosia ma ta'ita'ia e le kaalsia!

Tatalo mo Agaga Pa'ia i Pulekatolio

O le Kapite a le Ekalesia Katoliko ua fa'amanatu mai iā i tatou o le oti o le muta'aga lea o le ola o le tagata ma o le taimi lea e tatala mai ai pe talia pe te'ea le kalasia mamana (1021; va'ai 1 Timoteo 1: 9 – 10). O Agaga Pa'ia o latou ia ua "maliliu i le kalasia ma le fa'auō a le Atua" ae o lo'o "tumau pea le lē atoatoa ona fa'amamāina...i le mae'a o le oti ua latou uia se fa'amamaina, ina ia ausia le pa'iaga e alagata e ulufale atu ai i le fiafia o le lagi" (CCC 1030). O se vaega o le olioli i le totino i le Ekalesia o le fa'aeaea e fesoasoani ai i Agaga Pa'ia e ulufale atu ai i le lagi. Ua aloa'ia ona fa'ataūa e le Ekalesia le limafoa'i, tu'uina atu o togisala ma galuega togisala ua faia mo latou ua maliliu" (CCC 1032).

Fai mai Sagata Katalina o Genoa i lana tusitusiga e uiga i pulekatolio "a aumai se agaga i luma ole Atua ae o lo'o i ai sina ila e afaina ai o ia, o se manu'aga o le a faia." Ona toe suia lea, "o se fiafiaga tele ua tu'uina mai i Agaga Pa'ia ua ola a o latalata atu i le Atua. So'o se va'aiga lava o le Atua ua sili atu lea i so'o se tigā po'o se fiafiaga e lagoaina e se tagata. O Agaga Pa'ia ua manino lelei le va'ai i le Atua o lo'o mumū e pei o le afi o le alofa tele mo latou. E malosi toe e le muta lena alofa ua aumai fa'alatalata i le agaga e pei ua pau lea o se mea e fai. Tatou ofo atu mea fa'atigā ma le fa'amoemoe i le avatu o Agaga Uma se va'aiga o le Atua. Fai mai Sagata Aukusitino: E le masalosalomia o tatalo a le Ekalesia ua fa'amaloloina ai Agaga uma, ma talosagaina ai le Atua e silasila alofa iā i latou i lo le sala e avatu ona o a latou agasala.

Sa'ili le Tasi ua Leiloa

O la tatou fa'ata'oto ua talatala mālie mai e uiga i tagata e to'atolu.: o le leoleo mamoe, o le mamoe na leiloa ma le lafu mamoe atoa. O lē ua gaiōi, e ui i lea, ua na o se leoleo mamoe, e lē o le mamoe. O le leoleo mamoe, la, ua na o ia e autū moni i ai ma o mea uma ua fa'amoemoe iā ia... o se tala e fa'aosofia ai le masalosalo ile uiga o gaiōiga a le leoleo mamoe: e tatau ona tia'i le ivasefulu ma le iva mamoe? E pei ona maua i tu ma aganu'u fa'atusi pa'ia, o le toafa o se nofoaga o le oti e faigatā ona maua ai se vai ma se mea'ai, e leai ni fa'apaologa ma e tumu i manu fe'ai ma le 'au fao mea. O le a le mea e faia e le ivasefulu ma le iva mamoe? O le tala ua fa'aauau, ma fa'apea mai ina ua maua e le leoleo mamoe le mamoe na leiloa, na tu'u i luga o ona tau'au ma le fiafia. Ma ina ua ia sau i lona aiga, sa ia vala'auina ana uō ma ona tuā'oi, ma fai atu iā i latou, tatou fiafia ma a'u. Ua atagia mai e le'i toe fo'i le leoleo mamoe i le toafa e aumai le lafu na tu'u ai! O le 'a'apa atu i lenā mamoe e tasi ua foliga mai ai ua galo le ivasefulu ma iva. Ae e lē fa'apenā. O le lesona ua mana'o Iesu tatou te a'oa'oina, o le Ali'i e lē taliaina se manatu o se tagata e to'atasi e tu'uina atu ina ia leiloa...

E ao ona tatou manatunatu so'o i lenei fa'ataoto, ona i fa'apopotoga Kerisiano e i ai lava se tasi e leiloa ma afai o lenā tasi ua alu, ua i ai se nofoaga ua avanoa. O isi o taimi o lenei mea e matuāi ma ua tatou manatu ai o sē ua leiloa e tupu lava e pei o se fa'ama'i e le mafai ona togafitia. I le va'aiga a Iesu e leai ni mamoe ua leiloa, ae ua na o mamoe e tatau ona mauaina... i le taimi mulimuli, ua sa'ili e le Atua i tatou. Manatu i le gaōi agalelei.

O Le Tinā Pa'ia ma o Tatou Pa'iaga

I nai itulā ae le'i maliu, o Iesu le Ali'i, na toe fa'anaunau e avea ma 'au'auna mo tagata uma, na to'atuli e mulumulu vae o le 'au femitai: *Ua ou avatu le fa'aa'oa'o iā te outou, e pei ona ou faia iā te outou ia fa'apea lava e outou ona faia iā te outou. E moni, e moni, ou te fai atu iā te outou, e lē sili le 'au'auna i lona ali'i, e lē sili fo'i lē ua auina i lē e ana le fe'au. O lenei ua tou iloaina. Afai ua outou iloa ia mea, amuia outou pe a outou faia.* O le fa'amanuiaga tele mulimuli, o le 'Au'auna, le agamaulalo, ona fa'apea lea ma lenā Tamaitiiti.

Ina ua avatu e Iesu lona Tino ma lona Toto o se mea'ai, e ui ua uma ona fa'alaina o ia e Iuta, ua mafai lava ona ia fai atu i ona so'o upu sa mūmūpea i lona loto mo se taimi umi: *La'u fanau e, toe ititi nai aso ou te i ai iā te outou... O le poloa'iga fou ou te tu'u atu ai iā te outou: ia outou fealofani.* I lona maliu ua leai se isi mea e toe aumai e Iesu: ua ia tu'uina uma mai o mea sa lilo i le Alo. Ae sa ia tu'uina mai ai se vaega lilo a lona Tinā, 'aua le taofiofia ae va'ai i ai, ona o le iloa atu o ia, o le a tatou iloa ai pe fa'apefea ona Ia iloa le Atua, ma i lenā lava mea e tasi e taūa.

I lana 'Au'auna, ua aumai ai e le Atua se fa'ata'ita'iga o le agamaulalo; i le Taupou, le fa'ata'ita'iga o le lafoa'i. Ma o ia na aumaia le Atua i le lalolagi ma talia le misiona o le aumaia o i tatou i le lalolagi a le Atua ma faia iā i tatou le taimi o lona tamaitiiti, ma le Tamaitiiti na ia fanau maia. E aunoa ma le masalosalo tatou te lē va'aia manino Iesu i lo le ui atu i le va'ai a lē na vala'auina Iesu: la'u Tama, le ulumatua o le anoanoa'i o uso.

Sagato Ioasefo

Ua fa'ailoa mai e le Tusi Pa'ia Ioasefo, le to'alua a Maria ma le tamā – tausi a Iesu, o se *tagata amiotonu* (Mt. 1: 19), sa tu'uto lona tagata i le puipuia o le tinā ma le tamaitiiti. Ina ua iloa e Ioasefo ua tō Maria, sa tapena ma le filemū e fa'atete'a i la'ua, ae, i le upu a le agelu, na toe suia ai ana fuafuaga, ma fa'aufale mai o ia i lona aiga. Sa ia puipui iā Maria ina ua fanau o ia i le fale o manu. Ae ina ua fa'amata'u e le 'au fasioti tagata a le Tupu o Herota, na toe usita'ia e Ioasefo upu a le Ali'i, ma ave lona aiga i Aikupito. Ina ua toe fo'i i Nasareta, sa tausi e Ioasefo Iesu e pei o lona lava atali'i. Sa ia puapuga-tia fa'atasi ma Maria ina ua leiloa Iesu i le sefululua o ona tausaga mo aso e tolu i Ierusalemā.

E lē o fa'amaumauina e le Tusi Pa'ia ni upu na tautala ai Ioasefo. Ae fai mai Sagato Ioane Paulo II, o le faiga lea o lo'o fa'ailoa mai ai le tomanatunatu o lo'o i tua atu o gaiōiga a Ioasefo. "O le mea fa'atigā, ua tu'uina atu ai e Ioasefo o ia atoa i mana'oga o le toe afio mai o le Mesia i lona aiga, ua malamalamaina atoa o lona tagata."

Na a'oa'o mai e Pope Penetito XVI, Na noanoatia Ioasefo i taimi atoa e le misitelio o le Liutino. E le gata i le fa'aletino, ae fa'apea lona loto, ua fa'aali mai e Ioasefo iā i tatou le mea lilo a le tagata o lo'o nofo i le i ai o le misitelio ma o lo'o tatala atu i lenā misitelio i taimi uma o le olaga i aso uma."

Fa'atupulia O Tatou Fa'atuatua

O le Fa'atuatua o le talitonu e aunoa ma le va'ai. Ua fa'amanuiaina i tatou e le Atua i le meaalofa o le atamai, ma e i ai lava le muta o lo tatou malamalama'aga i mea e tele e uiga iā i tatou lava ma lenei lalolagi ua tatou i ai. Ae ui i lea, a tatou alu tele i le loloto o le fa'atuatua, o se mea maoa'e tele e tupu.

Sa e savalivali i le laina o lou atamai. Na fesoasoani iā te oe ma fa'amalosi'au iā oe le Atua e fa'aogā lea atamai. Ona pei lea o le topika e leai se goto ifo o le la ma o le aso ua avea ma pō i nai minute, ona fufui lea e le Atua 'oe i le po. Na ia fai mai, "Tu'u lou ulu i lou loto ma talitonu! Mo le taimi nei e leai se tali. O a'u o le tali. E te le va'ai iā te a'u i le pogisā. O le a e mulimuli mai iā te a'u i le fa'atuatua, e aunoa ma lou iloaina. Tula'i ma talitonu!"

O lo'o i ai se fa'alilolilo tele i auala a le Atua i le faia o mea pe afai tatou te mulimuli iā te ia i lenā pogisā o le topika, o le agaga. O le a i ai se taimi, atonu i luma mai o lona maliu, po'o i le ogatotonu ole olaga, po'o taimi a o tatou laitī. I lenā taimi o le a va'aia ai o ia. O le a maua i ai o ia i'inā. O mea sa e iloaina i lou atamai ua tu'u fa'atua ma mea na fa'aopopo

iā te oe ona sa e talitonu ma savali i le pogisā o le pō. Ua ulufale i le atoaga o le malō a le Atua e ui e te'i malii. O le malō o le Atua o lo i totonu o outou.

O le mea o lo'o tu i le va o 'oe ma le malō o la tatou fa'amauualuga; le fa'amauualuga i o tatou atamai. O a tatou atamai na tu'uina mai e le Atua. O le fa'aogaina sesē, o le fa'aletonu tele lea.

O le au ao lafoga i vaitau o Iesu ma nofoaga, aemaise latou e mafua ai le inoino ma le faitaga'i. E le gata sa latou galulue fa'atasi ma le au mauualuga a le malō, ae na o'o lava na mau'oa i le fa'aogaina o a latou lava tagata. Ua fa'amatalaina Sakaio i le Evagelia a Luka o se ao lafoga, o lona uiga sa itagia. O lenei tagata sa inosia ua fa'alogo i se ositaulaga ta'uta'ua, o Iesu, o lo'o malaga mai i le taulaga ma na ia a'e i le la'au ina ia maua se va'aiga lelei iā te ia.

O le lesona muamua lenei o le tala: 'aua le fa'avaivai! Atonu sa iloa lelei e Sakaio le mafua'aga e itagia ai o ia e tagata; ma e masalo e ita fo'i o ia iā te ia lava ona o mafua'aga lava e tasi. Sa ia iloaia o ia o se tagata e lē fa'amaoni toe fa'alata, e le aogā i ai le alofa o le Atua. Ae na a'e Iava i le la'au. O lenā 'a'apa atu fa'atauva'a, o lenā masalosalo fa'atauva'a fa'aleagaga po'o le fia 'ai, pau ia o mea na mana'omia e le Ali'i.

Ona tatou o mai ai lea i le lesona lona lua. Ua iloa atu e Iesu Sakaio, ma e le'i toe fa'atali ma ua fai atu, *Sakaio e, ia e vave ifo ia i lalo, auā e tatau ona ou nofo i lou fale i le aso nei.* O le ulufale atu ma le lē fuafuaina lea o le kalasia. E le'i fanoi pe fa'atonu Sakaio ina ia fa'ailoa mai pe i ai ni mafua'aga e lē tatau ai ae le'i alu atu Iesu i lona fale. Po'o le a le anoanoa'i o au agasala, po'o le a le mamao ua alu 'ese atu ai ma le Ali'i, e lē afaina pe e te lē aogā i sou manatu, tatala lou loto mo sina avanoa ona masa'a atu lea i ai o le kalasia.

Ae va'ai i le mea na tupu: na fai atu Sakaio i le Ali'i... *Fa'auta le Ali'i e, o le a ou vaeluaina atu a'u mea i e matitiva; afai fo'i ua ou ave mea a se tasi i se ala pepelo, ou te tau'i atu ai e taifā.* O le lesona tolu ma le mulimuli lenei: O le kalasia e leai sona tau, ae e lē taugofie fo'i. A e fa'a'aulufale mai Keriso i lou fale, o le a ia fa'afou ma fa'aleleia!

SAGATO



SAGATA FARANISISI XAVIER CABRINI

Taupou (1850 – 1917)

Frances Xavier Cabrini o se ulua'i sitiseni a le Unaitete Setete na fa'apa'iaina ma tagata pa'ia. O lona fa'atuatuga loloto ile alofa ma le fa'anaunau i lona Atua na maua ai e ia le malosi e avea ma tama'ita'i loto tele e faia le galuega a Keriso.

Na le taliaina e se ituaiga na a'oa'oina ai o ia o se faia'oga, na ia amatalia ni galuega alofa ile Fale mo tamaiti e leai ni matua i Cadogno i Italia. Ia Setema 1877, na faia lana tautoga ma amata ai ona fa'aogā le ofu fa'aituaiga.

Ina ua tapunia e le epikopo le nofoaga lea mo tamaiti e leai ni matua i le 1880, sa tofia Farances e avea ma ta'ita'i o le ituaiga o Misionare o le Finagalo Pa'ia.

Mai le taimi a o laititi i Italia, sa naunau tele Frances e avea ma misionare i Saina ae ona o le tauanau a Leo XIII, na malaga ai Frances i sisifo i lo sasa'e. Sa malaga ma ni taupousa e toaono i New York e galulue ma le anoanoa'i o tagata Italia sa malaga atu e nonofo ai.

Sa lē fiafia ma sa faigatā auala uma. Ina ua taunu'u i le 'a'ai o New York,

SAGATO

o le falesa fa'apea o lana galuega muamua mo tamaiti e leai ni mātua e le'i avanoa. Na fautuaina e le akiepikepiko e toe fo'i i Italia. Ae o Frances, o se tagata e loto tele toe loto malosi, na tu'ua le fale a le akiepikepiko ma le fa'anaunau tele e fa'avae se nofoaga mo tamaiti ia. Ma na alu lelei ana taumafaiga. I le 35 tausaga sa fa'avaeina ai e Frances Xavier Cabrini le 67 o nofoaga mo le tausiga o le 'au matitiva, latou ua leai ni aiga, latou ua le maua ni a'oa'oga ma le 'au mama'i. I le va'aia o le tele o le mana'omia e tagata malaga mai Italia ua amata ona mou atu lo latou fa'atuatua, sa ia fa'avaeina ni a'oga ma ni a'oa'oga mo tagata matutua.

A o laititi o ia, e masani ona fefe i le vai, ma sa le mafai ona ia fo'ia le popolega i na ne'i malemo. Ae ui i lea fefe, sa malaga solo i vasa e tele e sili atu i le 30 taimi. Na maluu o ia i le fa'ama'i o le malaria i lana ia lava falema'i i Columbus i Chicago

O LE EKALLESIA MA LANA GALUEGA TALA'I

E toe fa'atalofa atu ile tatou Kapelanisia Samoa i Ueligitone aemaise le mamalu ole aufaitau ole tatou nusipepa leni ole *Taulogologo*. O lea ua so'oso'o atu i leni foi lomiga le fa'aliliuga nei o nisi o tusitusiga i le Gagana Peretania, mai se tasi o nusipepa iloga a le Ekalesia. Ua fa'aulutalaina leni tusitusiga, ole, *Ekalesia ma lana Galuega Tala'i* (The Church on Mission). Ole fa'amoemoe maua luga ia iai sona aoga i lo outou soifua ma lo matou ola tautua ma auuina ile Atua ma lana galuega i leni lalolagi.

...saunia e Lauano ILAOA

10

(Vaega Lua)

O le lapata'iga mamafa a le Alii o Iesu i nuu o Palesetina ia sa Ia faia ai vavega ma fetaita'i ai o Ia ma tagata e leai se fa'atuatua, e mafai ona fa'amatalaina e fa'apea, e le o se fetu'u po 'ose fa'amalaia tumau. O le fa'ai'uga o a'oa'oga a Iesu i lona auso'o ia na auina atu e tala'i, sa Ia toe fa'amamafaina ai le taua o le misiona po'o le tala'iga ole fa'aevagelia: ole fa'aevagelia atu ma le fa'aevageliaina e aofia ai tiute ma mataifaioi e le ma'alofia i luma ole fa'amasinoga mamana, ae peitai, a'o lumana'i ai lea taimi, e tatala pea ma avanoa le faitoto'a mo le salamo ma le fa'afouina, e ala atu i auala misitelio ole agaalofo mamana. E 'auai ma fa'atasi Iesu ma i latou uma e auina atu e tala'i, ma o lana lapata'iga o tagata e te'ena ma le talia i latou nei, o lona uiga, ua o latou te'ena foi ma latou le talia le Atua Silisili'ese.

O le mea aupito i sili ona taua i le vaega leni, o le tatau lea ona manino ma malamalama lelei ile tala'aga ole agasala, lea na a'afia ai tupulaga uma o Isaraelu, e pei ona fa'amaumauina i tusitusiga pa'ia, talu mai lona fa'asa'olotoina mai Aikupito (Par 1:15-22). O le fa'alogogatā ma le le fia fa'alogo ile siufofoga ole Alii, na feagai ai ma puapuaga le tafeaga a Isaraelu, ma latou le mafai ai ona lagona le siufofoga ole Atua. O le fatu ole toe fetu'una'iga, e le o le tala'aga ma le tulaga na iai Isaraelu, ae ole Alii le Atua. Ma o le salamo moni lava lea, ole ala tonu mo le fa'aliliuina. O le mauaina o leni sa'o ato'ato'a ole Alii, o se meaalofo mai le Atua lava ia, auā e le mafai ona fenumi-a'i ma le lagona ole agasala po o le lafoa'i atu o lagona uma ole tagata ina ia mafai ona fa'auau pea le soifuaga masani...Ole tala'aga ole agasala ma lona tau, e le ole upu mulimuli lea.

O lo tatou tofiga, o so'o o le Keriso, ua tatou maua ai le malosi ma le mana e mafai ai ona tatou savavali i luga ma solia akarava ma gata uogo atoa ma le malosi ole fili, e aunoa ma se mea e tasi tatou te afaina ai. O Iesu lava o loo Ia lapata'i mai, ole misiona po o le tala'iga, e lavelave, faigatā ma tele ona fitā, ae o lona Agaga Paia ma lona alofa tunoa, e mautinoa lo tatou manumalo ai pea i le fili ma ana 'au i leni lalolagi faigata. *Aua nei mitamita ina ua to'ilalo agaga leaga ia te outou: ae ia outou olioli auā ua tusia o outou igoa ile Lagi.* O se mea talafeagai pe a olioli ma fiafia se so'o o Ker-

O LE EKALLESIA MA LANA GALUEGA TALA'I

iso ina ua fa'amanuiaina a na galuega ole fa'aevageliaina, ae ole mafua'aga moni o lea fiafia, ona ole fa'aolataga, ma le olioli ole fa'amoemoe.

O le mea taua mo le au so'o, ona ua tusia o latou igoa ile lagi. O lo latou aiga moni lea, le malo tau tupu lea e finagalo Iesu ina ia o latou vala'auina iai isi tagata o loo oo iai le latou tala'iga. Ona fa'afuasei lea, i le taimi o le talanoaga a Iesu ma le au so'o, ona ia saunoa ma ta'ua fa'apitoa se tasi o loo a'afia ile talanoaga,..o lona Tamā lea ile Lagi. Ua avea ai i tatou ma molimau i se taimi taua o so'otaga mafana ile tatalo, ile va o Iesu ma lona Tamā. Sa fa'afetaia e Iesu lona Tamā, mo lona finagalo alofa fa'amagalo: ua talaina ma fa'ailoa mai ai misitelio tetele *i tama vaevale*.

O lenei feso'ota'iga vava lalata, ua o tatou mautinoa ai, ole Atalii o Ia lea ua silafia lelei ma alofaina e le Tamā, ma ole Tamā foi, o Ia lea e matuā iloa lelei ma alofaina e le Atali'i. O lo'o tatou fa'alogologo ai i lenei feau mai le Talalelei, ole fa'aauauina lea o lo tatou vala'auina, ina ia o tatou maua lea ituaiga o mafutaga loloto ma le Alii lo tatou Atua. E na ole feso'ota'iga vava lalata lava ma le Tamā, e pei ona fa'ailoa manino mai e Iesu, tatou te maua ai le meaalofa ole alofa tunoa ole Atua, lea e mafai ona tatou ofoina atu mo isi tagata ile tatou tala'iga.

O le fa'atuatua, e faavae, ile fa'alagolago ma le fa'atuatua ato'atoa ile Atua, ma auala 'ese'ese e galue ai le Atua. Atonu o misionare uma ua iai le poto masani ile galuega tala'i, ua latou silasila ma silafia lelei fua va'aia o le taunuuga o ni galuega sa fa'amanuiaina ma a'afia ai le agaga ole Atua. Ole Talalelei mo lenei aso, ua lu'itauina ai i tatou, ina ia tatou talitonu ile Atua, i tua atu o le iloa ma le mafai ole tagata soifua.

Sa fai atu lea ole au Aposetolo ile Alii, “*..ia e fa'atuputeleina lo matou fa'atuatua*” (Luk 17:5-6) O 'ī tonu a lea na fa'aigoa ai e Sagato Luka le to'a sefulumaletu'aluia ia na vala'auina e Iesu ile amataga o lana galuega tala'i, o “Aposetolo”. O le uiga moni o lenei upu, ole “auina atu”, auā foi ole latou tofiga ma le latou misiona, sa faavae i luga ole filifiliga faito'atasi a le Alii o Iesu. O Ia lava na filifilia ma auina atu i latou. O latou uma foi o molimau ola i a'oa'oga ma vavega sa fa'atino e le Alii o Iesu, a'o o latou ua nā o ni tagata fa'apei foi o tatou nei, e tele le masalosalo ma itiiti le fa'atuatua. O le fa'aosofiaga lea ole latou tatalo atu ia Iesu: “*Ia e fa'atuputeleina lo matou fa'atuatua*”, i le latou mautinoa, o ia lava ole Atua.

Ae ole a le uiga o nei mea mo tatou uma ua “auina atu” i aso nei? E le mafai ona maua le fa'atuatua e fuli ai mauga, pe afai, e le ato'atoa lo tatou fa'atuatua ile Alii o Iesu, o Iesu Toetu, o lē o lo'o soifua i totonu o i tatou o lana Ekalesia. E tele, ma anoanoa'i vavega sa faia e Iesu, ao molimauina e tagata ma lona au so'o, ae sa lei avea lea ma mea e fa'atuputeleina ai lo latou fa'atuatua. O le mea sili ona taua, ia maua ile agaga ma le loto maualalo o le au aposetolo, e tatalo ai ma le faatauina ile Alii mo lana fesoasoani. “Ou te talitonu, fesoasoani mai i lo'u le talitonu”. O taimi uma tatou te auai i le sauniga paia ole Eukalisitia, ole avanoa foi lea tatou te feiloai ai ma le Alii Toetu, ma e tataua ona tatou tatalo ma fa'atoga atu ia te Ia, mo lana fa'amanuiaga ole fa'atuatua mana'omia, ina ia tatou feiloai ai pea ma Ia i o tatou olaga i aso faiso'o, i lenei lalolagi faigata.

(Fa'aauau ile isi lomiga e soso'o ai).

ASO FA'AI'U AOGA ASO SA



ASO FA'AI'U AOGA ASO SA



ASO 3 NOVEMA ASO SA 31 TAUSAGA MASANI:

Faitauga muamua: Poto 11: 22 – 27; 12: 1 – 2.

Matua: Ua e alofa i mea uma lava.

Salamo: 145: 1 – 2 (tali), 8 – 9 (tali), 10 – 11 (tali), 13 – 14 (tali). Tali: Lo’u Atua e, le Tupu, ‘ou te fa’ane’ene’e iā te oe.

Faitauga lona lua: 2 Tesalonia 1: 11 – 12; 2: 1 – 2. Matua: Ia vi’ia ona o outou le suafa o lo tatou Ali’i o Iesu Keriso.

Aleluia, Aleluia...Ia outou mataala, auā tou te lē iloa po o le fea aso e sau ai lo outou Ali’i...Aleluia.

Evagelia: Luka 19: 1 – 10. Matua: Ua sau le Atali’i o le tagata e saili ma fa’aola i lē na lē iloa.

Tofitofiga o le Upu:

I le vaiaso na te’a atu nei sa tatou a’oa’oina ai se tatalo mai se ao lafoga; o lenei vaiaso o se isi ao lafoga ua a’oa’oina i tatou e uiga i le fa’atuatua. I le Evagelia a Luka, o lo’o talanoa mai Iesu e uiga i le fa’atuatua i vaega ‘ese’ese. I le fafine na u’uina o ia na fai atu i ai: ‘O lou fa’atuatua ua fa’aolaina ai oe; inā alu ia oe ma le manuia’ (Luka 5: 50); i ali’i na aumaia le pipili mai luga o le tualuga o le fale, na fa’amatala mai ia i tatou na fa’amagaloina e Iesu ana agasala:’ua silafia e ia lo latou fa’atuatua’(Luka 5: 20) O le fafine ma uō – e pei o isi i le Evagelia a Luka ma isi Evagelia sinopi – ua aloa’ia ona vivi’i ona o lo latou fa’atuatua, ma na iloaina e Iesu. E lē ta’ua le vivi’iina o Sakaio e Iesu ona o lona fa’atuatua, ae ina ua fai atu Iesu iā te ia ‘e tatau ona ou nofo i lou fale i le asō’, o le mea tonu lea o lo’o faia e Iesu. O Sakaio o se ao lafoga ma – ina ua vave ona fa’ailoa mai o ia e tagata – o se tagata agasala, ae ona o lona pu’upu’u sa le mafai ai ona ia iloa atu Iesu e ui sa mana’o i ai. O Sakaio o se ali’i mau’oa, o se ao lafoga sa faia se uiga e ono ta’uvalea ai o ia pe fa’amanu’alia ai fo’i, ona o le fia va’ai i le Ali’i. O se gaoiga tonu lenā o le fa’atuatua – ina ua iloa atu o ia e Iesu i luga o le la’au, sa iloa lenā ma na faia se fa’asala-lauga: O le asō e alu atu ai le fa’aolataga i lou fale. O le moni o le fa’atuatua a Sakaio ua va’aia i ana gaoiga, ma o le fua o lona fa’atuatua o le alofa sa ia fa’aalia e ala i lona fa’aliliuga. I nisi o auala, o mea ua tatou va’aia i lenei faitauga o se fa’ata’ita’iga o tusitusiga a Iakopo i lana Tusi: ‘Fa’aali mai lou fa’atuatua e aunoa ma au galuega, ona ou fa’ailoa atu lea o lo’u fa’atuatua i a’u galuega’,Ona o tatou o tagata e ta’uta’u o tatou fa’atuatua i taimi uma tatou te potopoto ai i aso Sa mole Eukalisitia, e taūa ona tatou ola ai lenā fa’atuatua i galuega ma gaoiga – e pei o Sakaio.

O le faitauga mai le Tusi ole Poto o se tasi mo fa’amoemoega tele – o le maualuga o le Atua e le taofiafia ai lona manatu mo tagata ta’ito’atasi, ma lona fa’anaunau mo liliuga. O le alofa o le Atua ua fa’amatala i auala e feilao’i atu ai i ona tagata ma ofoina atu i ai se fesoasoani e toe aumai ai latou ua sēsē – o lenei faitauga ua aumai o se to-manatunatuga i le tala ia Sakaio – le fa’atuatua o le ao lafoga ua fa’aali mai ai i ana gaoiga e sau mai le aagalofa ma le kalasia a le Atua.

Metitasio Aso Sa 3 Novema

O le tepa e ola ai.

O le a le mea na fa’afuase’i ona taiā ai Sakaio? O le a le mea na mafua ai ona momo’e fiafia i le fale? Pe na ia faia ea ni fuafuaga i le tele o lona tamaoiga? Pe na mana’o ea e toe fa’afo’i ma foa’i atu ana tupe fa’asili palapalā, ma tufa atu le afa o ana oloa i tagata matitiva? O le a le mea na taiā ai o ia ma liliu ai? `Ese ma le faigofie, na ulufia ma taiā e se tepa e aloa’ia ma alofa ia te ia nai lo le mea sa i ai. O se malosiaga na te taofimau le loto o se tagata o se mea mata’utia, o se vavega e aupito sili ona mata’ina nai lo isi ...

E faigatā ona maua se tagata e i ai se malosiaga, ae sa’o lelei lava. O le eseese ma Iesu, o ana moli-mau na mafai ona latou va’ai i lea tepa, ma ua lē gata i lona malosiaga ma le ofoofogia, le atamai ma le mata’ina, ae lelei foi. E foliga mai toetoe lava a lēmafai e se malosi tele fa’apea ona maōpo i totonu o tua-oi o se agalelei na’uā, e faigatā ona maua e se atamai maoa’e fa’atasi ai ma se ituaiga faigofie maō’i, e pei o ni uiga alofa fa’aalia ma le matala a se tamaitiiti. Ma’eu le matagofie o le faitau i le Evagelia ma maua ai uiga lilo i fa’amatalaga, o auililiga ma’aleale ia e fa’aalia ai le mana agamalū o Iesu, ma lona loto momomo e fa’asalafa i mea uma fa’aletagata.

ASO 10 NOVEMA ASO SA 32 TAUSAGA MASANI:

Faitauga muamua: 2 Makapaio 7: 1 – 2, 9 – 14.

Matua: O le tupu o le lalolagi na te toe fa’atuina i matou i le toetū o le ola e fa’avavau.

Salamo: 17: 1 (tali), 5 – 6 (tali), 8, 15 (tali). Tali: ‘Ou te malie pe a a’u ala ua foliga iā te ‘oe.

Faitauga lona lua: 2 Tesalonia 2: 16 – 17; 3: 1 – 5. Matua: Ua fa’atumauiina outou i le galuega lelei uma ma upu lelei uma.

Aleluia, Aleluia...Ia outou mataala e lē aunoa ma tatalo ina ia tutū i luma o le Ali’i o le tagata...Aleluia.

Evagelia Luka 20: 27 – 38. Matua: E lē o le Atua ia o e ua oti, a o e ola.

Tofitofiga o le Upu:

A va’ava’ai i le faitauga mai le Tusi a Makapaio ma le Evagelia e ao ona tatou vave iloina le i ai o le numera fitu ma e le o talanoa mai i le uiga tonu o le upu. O le va’aia o le numera fitu i le tusi pa’ai ua sili atu ma le 700 taimi ma o le numera o le atoatoa – o se numera e i ai lona fa’ailoga. O le fa’aogaina ole numera fitu o lo’o fa’amatala mai ai iā i tatou ni faiga o lo’o fa’atulaga mai e ni upu ma e uigā. O amataga o nei tala e lē o iloina, ae ua maitauina ma fa’amaumau ua ta’u maia le taūa iā i latou sa fa’amatalaina ma manatuina nei tala. O tala o ni vaega taūa o se feso’ota’iga a tagata i se faiga o mea e taūa – mai fagogo i taimi o le a momoe ai tamaiti, i le pusa fa’aonapo nei mai le Netflix . Afai tatou te malamalama i nei tala, e ao ona tatou tomanatu pe aiseā na alai ai ona fa’amaumau ma o le a fo’i le fe’au o lo’o momoli mai ai e ao ona fa’ailoa i se ‘auala faigofie.

I le faitauina o le Tusi a Eperu, o lo’o i ai ni nai fa’aupuga i na taimi ia latou tusitusiga e i ai se lumana’i mo le tagata pe’a oti – o lo’o i ai se fa’ailoa mai o ola i le fa’apaologa o pogisā, le lalolagi i lālō. O manatunatuga i perofeta mulimuli mai ma tusitusiga a le Poto ua ta’ita’ia i tatou i le manatu o le Atua fai meatonu ma le malosi e lē tu’ulafoa’ia le ‘au amiotonu pe tu’uina atu le ‘au fa’atuatua e mou atu fa’atasi ma le tiapolo. O le tusi a Makapaio na tusia i le gagana Eleni mulimuli i le Feagaiga Tuai, ua fa’amanino mai ai se fa’amatalaga, mo tagata fa’atuatua a le Atua, o le oti e lē o le vavae’eseina lea mai le Atua. O le faitauga ua aumai iā i tatou i le asō o se fa’amatalaga manino o mea na. E o’o atu i le taimi o Iesu, le talitonuga ile toetū ua masani ai i Farasaio ma isi vaega Iutaia, ae le o tagata uma – o le au Sukataio, e pei o le fa’amatalaga a le Evagelia o le asō na te’ea ai lea manatu. O tala e lua ua aumai i le asō – ta’itasi ma ‘au uso e to’a fitu – na fa’aali lo latou talitonuga i le toetū – le maoa’e o fa’amatalaga ma le tala auilili o leaga, o lona uiga ua fa’atosiga ona ole mata’utia i le va’aiga ma e manatua pea – o le faiga a le fa’amatala tala ia maua e latou o lo’o fa’alogo le ‘auga – o tala maletile a le ‘au Makapaio ma le fa’aautū i le toetū i le Ekalesia anamua o le fa’amautinoa lea e maua uma e tagata le fe’au. Atonu e faitauina o ni tala na fa’amatalaina e latou e tomai i lea matafaioi, ae ua fa’amatalaina ona e i ai le mafua’aga taūa – ina ‘aua ne’i masalosalo se isi i le ofoina mai o le toetū iā i latou e iloina le Atua.

Metitasio Aso Sa 10 Novema

Pe a o’o mai le taimi.

A tatou o’o i le lagi - pe afai tatou te o’o i le lagi - o le a tatou iloa ai e moni lava le Tatalo o le Fa’atuatua, nai lo le na’o le talitonu pe moni ea. E tatau ona tatou nofouta i le Atua o lo tatou Tamā, ia tatau ona tatou iloa o mea uma na tutupu i le lalolagi o se vaega o ana fuafuaga silisiliese. O le natura masani lava, tatou te iloa e tatau lava ona i ai Tagata e To’atolu i le Aiga Atua, ma o le Tagata lona lua e tatau ona avea ma Atua-Tagata; o le Alo e to’atasi lava o le Atua, lo tatou Alii, o le tino va’aia, i le taimi nei iā tatou tapuaiga, e fa’afetai mai ai iā i tatou mo auaunaga laiti uma na tatou faia mo ia. O le a leai se faigatā iā i tatou i le va’ai atu ai i lo tatou Tina Paia ua avea ma ona Tina a’o tumau pea lona nofo Taupou. Ma e ui lava i le tigā ma puapuagā, ua na’o se fa’amanatuaga mamao o le taimi ua tuana’i, o le a lē toe avea o se vaega o a tatou fa’atinoga masani o aso uma, e mafai ona tilotilo manino i ai ona tatou malamalama lea i puapuagā na o’o i ai lo tatou alii ina ua fa’asa-tauroina e Ponesio Pilato, o i’inā e maua mai ai le alafua o lona alofa

Ma o se mea uigaese i tagata ia e masani ona tatou va’aia i fa’amalama tioata o falesā, o le a avea ma tagata moni lava; latou te aumaia le malamalama pe a afio ifo lo tatou Alii i seoli. O le Toetū o le a lē gata ina foliga mai o se natura masani; ae o le a tatou nofouta i ai i taimi uma o se tulaga moni mo le tagata; auā o i tatou, o le a avea o se vaega o lena ola toetū na asaina e lo tatou Alii mai le tu’ugamau.

O le a tatou va’aia o ia, ua afio a’e, ma nofo i le itu taumatau o le Tamā, fa’afetai ia te ia mo lana fa’amasinoga alofa mutimutivale ua tu’uina mai mo i tatou, mo e ola ma e ua oti. O le a tatou lagonaina le afio o le Agaga Paia i totonu o i tatou; o le a tatou iloa o le Ekalesia o le tama’ali’iaga mamalu lea o Keriso; o le a tatou mafuta lelei ma le au paia uma; o le a lē toe va’aia le uliuli o a tatou agasala, ae o le a lanu ulaula e pei o ao i le goto ifo o le la, fa’atasi ai ma le alofa tunoa o le fa’amagaloga mulimuli. O le a tatou toetutū, i le agaga ma le tino; o le agaga ma le tino e mamā i taimi uma fa’atasi ma le malosiaga o se ola e fa’avavau.

ASO 17 NOVEMA ASO SA 33 TAUSAGA MASANI:

Faitauga muamua: Malaki 3: 19 – 20.

Matua: E alu a'e iā te outou le La o le amiotonu.

Salamo: 98: 5 – 6 (tali), 7 – 8 (tali), 9 (tali). Tali: O lo'o afio mai le Ali'i e fa'amasino le atu laulau ma le amiotonu.

Faitauga lona lua: 2 Tesalonia 3: 7 – 12. Matua: Afai e lē fia galue se tasi, 'ua ne'i 'ai fo'i o ia.

Aleluia, Aleluia...Ia e fa'amaoni se'ia o'o i le oti, ona 'ou avatu ai lea iā te oe o le pale o le ola...Aleluia.

Evangelia: Luka 21: 5 – 19. Matua: O lō outou onosa'i tou te maua ai lo outou ola.

Tofitofiga o le Upu:

A fa'atusatusa faitauga nei e lua, o le faitauga mai iā Sagato Paulo ua tatou fa'alogi i ai e foliga mai e manaia toe e le fa'aleano i ai – e uiga i auala tonu e ao ona fuafua ai amioga o fa'apopotoga Kerisiano i aso ta'itasi. I le fa'atua atu ia Malaki o le perofeta o le fale o Isaraelu, ma Iesu i ona so'o, na aumaia ni va'aiga fa'aapokalita o mea o le a tutupu e popole ai i latou ua fa'alogi i ai. O le sini autū o le i'uga mulimuli, ma fa'atasi ai ma le sau fa'alua, o lo'o maua i vaiaso fa'ai'u o le fa'asologa o tausaga fa'alelotu fa'apea vaiaso muamua e lua o le Atevetu. Ua tatou maua ai ni avanoa e manatunatu ai i le fa'amutaina mulimuli o mea uma lava. O le Malumalu i Ierusalem o se mata'aga matagofie tele ma o se va'aiga maoa'e ua ausia e le tagata. Ina ua talanoa mai Iesu i lona fa'aleagaina, ua ia una'ia le finauga i luga atu o se isi tulaga. Ae e le o ose mea e tupu i se nofoaga mamao, ona o la e talanoa atu iā i latou o lo'o fa'atasi ma ia i lona taimi – o le a tupu iā i latou. O le mea moni lava o le fa'aleagaina o le Malumalu e le o le i'uga lea o le lalolagi, o le tausaga 70 CE ma o ona fa'aleagaina na fa'ailoga ai le i'uga o le lalolagi e pei ona latou iloina ai. E fa'apea fo'i e fa'aosofiaina tagata e le fia fa'aevagelia ua fa'ailoa mai ia i tatou o lona ma leni o fa'ailoga o aso mulimuli, aua ne'i popole pe fa'anoanoa. O upu a Iesu o lo'o i le asō ma isi faitauga fa'apea o lo'o fa'amaumau ona o tatou o Kerisiano ua tatou iloina e leai se saogalemū atoatoa i so'o se fale – fa'akamuta, fa'apolokiki, sosaiete, tau tupe po'o fa'atagata. Na lapata'ia e Iesu latou sa mulimuli iā te ia a tutupu ni fetaua'iga ma ni gaogaosā ma le fe'ese'eseaiga i le va o tagata, 'aua ne'i fa'anoanoa, ona o lo latou fa'atuatua i le ave ma molimau o le a fo'ia ai na mea uma: e leai se laulu o a tou ulu o le a pa'u 'ese'. E ui o le i'uga mulimuli ua mautinoa – o mea uma e i ai o latou tino o le a fa'aumalia – e leai se valo'aga mautino po'o afea lea. O lona uiga o le tali atu a Kerisiano o le fa'atali ma fa'atuatua ma o le taimi nei fa'aauu pe a le ola fa'atuatua ole olaga Kerisiano i faiga masani ai – e pei ona fa'atauanau mai ai Paulo.

Metisasio Aso Sa 17 Novema

O le onosa'i e te manumalō ai i lou ola.

I le taimi o le tofotofoga, o se sili ona lelei le onosa'i mauā'a ona o le Atua, auā ua fetalai mai le Alii: *O lou onosa'i o le a manumalō ai oe i lou ola.* E lē'i fetalai mai e ala i au anapogi, po'o lou nofo to'atasi ma fa'alologo, po'o lou peseina foi o salāmo, e ui o nei mea uma e aogā i le fa'aolaina o lou agaga. Ae ua fetalai mai: *O lou onosa'i i tofotofoga uma e puleaina oe, ma o fa'afitauli uma e tusa lava pe o se vaivaiga fa'aletino, so'o se itu-aiga fa'alumaina, laititi pe tele; po'o mafatiaga o le tino, po'o osofaiga fa'atupu vevesi a Satani, so'o se fa'aosoosoga e mafua mai i isi tagata po'o ni agaga leaga foi.*

O lou onosa'i o le a manumalō ai oe i lou lava ola, ma e tatau ona talia ma le loto fa'afetai atoa, i le tatalo, ma le lotomauualalo. Auā e tatau ona e sauni e tapua'ia ma vi'ia lou fesoasoani, le Atua o le Fa'aola o le lalolagi, o lē na te lepeti mea uma, lelei pe leai foi, mo lou manuia. Ua tusia e le Au Aposetolo: *Ma le onosa'i tatou te taufetuli ai i le tu'uga o le fa'atuatua ua tu'uina mai mo i tatou.* O le a le mea e sili atu lona malosi nai lo le vituti? O le a le mea e tumau ma malosi nai lo le onosa'i lēmaluelue? Tumau, o lona uiga, mo le Atua. O le masiofo lea o vituti uma, o le fa'avae o vituti uma, o se lagi o le filemu. O le filemu i le taimi o le taua, to'a i le vasa sousou, le saogalemu i le lotolotoi o le taufa'alata ma mala. E maua ai e i latou o lo'o olaina le malosi sili atu nai lo le u'amea. E leai ni a'uuega po'o ni ūfanafana, e leai se fouvalega ma ni afi ta'avale ua faia e vagaia, e leai ni tao po'o ni ūfanafana e mafai ona lulūina. E o'o lava i le `autau o agaga leaga, po'o le pogisa o malosiaga a le fili, po'o le tiapolo ma ana `autau uma fa'aa'uuegaina e mafai ona fa'amanu'alia ali'i ma tamaitai o ē ua mauaina leni vituti e ala ia Keriso.

ASO 24 NOVEMA

Faitauga muamua: 2 Samuelu 5: 1 – 3.

Matua: Ua latou fa'au'u iā Tavita e fai ma tupu iā Isaraelu.

Salamo: 122: 1 – 2 (tali), 3 – 4 (tali), 5 (tali). Tali: Na ou fiafia ina ua latou fai mai iā te a'u, tatou te o i le fale o le Ali'i.

Faitauga lona lua: Kolose 1: 12 – 20. Matua: Ua na aumaia i tatou i le malō o lona Alo pele.

Aleluia, Aleluia...Ia manuia le afio mai i le suafa o le Ali'i; ia manuia le malō ua o'o mai i lo tatou tamā o Tavita... Aleluia.

Evagelia: Luka 23: 35 – 43. Matua: Iesu e, ia e manatua mai a'u, pe a e afio mai i lou mālō.

Tofitofiga o le Upu:

Mo le to'atele o tagata ua amata ona sauniuni ma tapena mo le Kilisimasi, o le Evagelia o le asō e fa'ate'ia ai. O se va'aiga fa'atupu manatu i le tala a Luka i le mea na tupu i Kalevalio o se va'aiga 'ese o vaega e lua sa manino lelei le alialia'i mai; o ta'ita'i ma fitafita – o latou e i ai le paoa – vivi'i ma taufaifai le tagata o Keriso o le a malii ma vaivai. Sa fa'amatala mai o tagata – latou e leai se paoa – 'sa nonofo pea i luma o le koluse ma va'ava'ai atu iā Iesu', sa leai se tala i se fiafa'amisa mai iā latou. Ona o'o mai lea i le fetau'iga ile va o Iesu ma pagota e uiga 'ese ia Luka – a o tautau i latou i koluse. O latou uma e to'atolu ua le mafaia se mea, ae o se tasi sa iloaina le pule iā Iesu ma fa'ailoa atu ai lona fa'atuatua ma talia le folafolaga mulimuli. O Luka i lana Evagelia atoa e fiafia e fa'aeaea i le 'au vaivai ma latou e le maua ni mea – ma na fuafuaina lelei le fa'aogaina o ni mea na tutupu e fa'ailoa mai ai le moni o le paoa ma le leai o se paoa. Afai ua talafeagai le fa'aogaina o Keriso o le 'Tupu o Tagata Lutaia', ona tatau lea ona malamalamaina le upu 'tupu' i se manatu manino lelei lava.

O le faitauga mai le perofeta o Samuelu ua fa'aeteete le fa'amatalaina le sau o Tavita e avea ma tupu e le o se mea sa ia fao malosia, ae na ofoina atu e tagata, latou na iloaina o le filifiliga tonu lenei a le Atua, ma o Tavita o le 'leoleo mamoe' a Isaraelu – o lona tofiga e le mo lona mamalu, ae mo le lelei o tagata a le Atua.

O le faitauga matagofie mai le Tusi ia Kolose ua avea i tatou i se isi malō. O le pule ma le tagatātupu a Iesu ua tu'u i se tulaga e fa'avavau ma e le o le lalolagi nei, o se paoa e 'ese lona fua: 'o mea uma na foafoaina mo ia ma e ala ia te ia'. Ae o le faitauga ua fa'ai'u i le mea na tatou amata mai ai – i'uga ma le atoatoa le fa'aleleiga i le va o le Atua ma le tagata ua fa'ataunu'uina 'e lona malii i luga ole koluse'.

Metitasio Aso Sa 24 Novema

Pe a o'o mai le taimi ma le toetutū mai o e ua oti.

Se'i o tatou toe tōmanatu, pe fa'apefea ona vala'au e lē aunoa le Matai ina ia tatou mata'itūina le toetū i le lumana'i, o le ulua'i fua lea na ia faia ai le Alii o Iesu Keriso e ala i le toe fa'atūina o ia mai le oti. Ia tatou mafaufau, le au pele e, i le ituaiga o toetū e tupu i vaitaimi paganoa masani. O le ao ma le po ua tu'uina mai ai ia i tatou fa'ataitaiga o le toetū: e moe i le po, ae alafa'i mai i le aso fou; o le aso e malaga ese ai, ona o'o mai lea o le po. Se'i o tatou aumaia ae fatula'au: i le totōina - pe fa'apefea ma o le a foi le auala e ala ai ona tupu? E alu le lulūsaito ma lulū fatu taitasi i le elelee: ina ua pa'ū i luga o le elelee, ona mago lea ma pala. O le taimi lava e pala ai, o le Meaalofa ofoofogia a le Matai e mafua ai ona totogo, ma taitasi ona fuatele mai ma fuaina mai ai ni fua se tele

O lenei, ia tatou tōmanatu, i le silisiliese ma le ofoofogia pe afai o le Atua Fofoa na te aumaia le toetū o i latou e tapua'i ma le fa'amaoni ia te ia, i le mautinoa ma le fa'atuatua fa'amaoni. Auā o se tasi o fa'aupuga e fa'apea: *Ma 'oe lē na tausia a'u o le a 'ou avatu le vi'iga ia te oe. Ma, sa ou taoto i lo'u moega, ma ou moe; ma ou toe ala, a'o e fa'atasi pea ma a'u. Ma, na toe fai mai foi lopu: O le a e fa'atūina a'e lo'u nei tino oti, lea na tauaveina ma le onosa'i nei mea uma.*

FAITAUGA MUAMUA MOLE MASINA O TESEMA 2019

ASO SA MUAMUA O LE ATEVETU:

Faitauga mmuamua: Isaia 2: 1 – 5.

Matua: E fa'apopotoina e le Ali'i o nu'u uma i le manuia o lona mālō e fa'avavau.

Salamo: 122: 1 – 2 (tali), 3 0 4 (tali), 8 – 9 (tali). Tali: Na ou fiafia ina ua fai mai iā te a'u, tatou te o i le fale o le Ali'i.

Faitauga lona lua: Roma 13: 11 – 14. Matua: Ua latalata nei iā te i tatou le ola.

Aleluia, Aleluia...Le Ali'i e, ia e fa'ailoa mai iā te i matou lou alofa; ia e foa'iina mai fo'i iā te i matou le olataga mai iā te oe...Aleluia.

Evangelia: Mataio 24: 37 – 44. Matua: Ia outou mataala; ia outou nofo sauni.

FA'ASOLOGA O MISASA MO NOVEMA 2019

1st. Sunday	0.8.30am	Strathmore	Patele Tuli
Aso 3 Novema 2019	11.30am	Titahi Bay	Patele Tuli
2nd. Sunday			
Aso 10 Novema 2019	11.30	Naenae	Patele Tuli
	12.00md	Taita	Patele Maleko
3rd. Sunday			
Aso 17 Novema 2019	09.00 am	Petone	Patele Tuli
	11.00am.	Newtown	Patele Maleko
	11.00am	Porirua	Patele Tuli
4th. Sunday			
Aso 24 Novema 2019	11.00am	Lower Hutt	Patele Maleko
	11.30am	Stokes Valley	Patele Tuli
	12.00md	Wainuiomata	Patele Andrew

Aso 4 Novema—fono Autalavou @ 6.30pm.

Aso 6 Novema Fono Kapelanisia 6.30pm